



რესურსეფექტური და სუფთა წარმოების განვითარება საქართველოში

-რესნ მეთოდოლოგია-

რესურსეფექტური და სუფთა წარმოება (რესნ) არის პრევენციული გარემოსდაცვითი სტრატეგიების ინტეგრირებული და უწყვეტი გამოყენება **პროცესებზე, პროდუქტებსა და სერვისებზე**, რათა გაზარდოს ეფექტურობა და შეამციროს რისკები ადამიანებისა და გარემოსთვის. რესნ არის ყველაფერი ნაკლები რესურსებით წარმოებაზე, გარემოზე ზემოქმედების მინიმუმამდე შემცირებაზე და მთლიანი პროდუქტიულობის გაზრდაზე. **მცირე და საშუალო ზომის საწარმოებისთვის** რესნ მეთოდოლოგია არის ეფექტური ინსტრუმენტი წარმოების ხარჯების შესამცირებლად მცირე და საშუალო საწარმოების კონკურენტული უპირატესობის გასაუმჯობესებლად და ეკოლოგიურად სუფთა პრაქტიკის გამოყენებით. ასევე, რესნ ითვლება ეფექტურ ინსტრუმენტად მცირე და საშუალო ბიზნესში ცირკულარული ეკონომიკის პრინციპების დანერგვისა და პოპულარიზაციისთვის.

შპს "ლაღი"

- უალკოჰოლო სასმელები -

კომპანიის მიმოხილვა

მისამართი: თბილისი, ბელიაშვილის ქ. 40
ძირითადი პროდუქცია: უალკოჰოლო სასმელები
თანამშრომლების რაოდენობა: 22
ძირითადი ბაზრები: აშშ, კანადა, ისრაელი, სინგაპური, ყაზახეთი, რუსეთი, აზერბაიჯანი, სომხეთი, ლატვია, ლიეტუვა, ესტონეთი
დაარსების წელი: 2001



ჩამომსხმელი საწარმო **შპს "ლაღი"** არის თბილისური ნატურალური უალკოჰოლო სასმელების მწარმოებელი კომპანია. კომპანიის მწარმოებლურობა არის დაახლოებით 2 მილიონი 0,5 ლიტრიანი ბოთლი გამაგრებული სასმელი წელიწადში. კომპანიის დაარსებისას მენეჯმენტის მიზანი იყო გაზიანი გამაგრებული სასმელების დამზადების ძველი ქართული ტრადიციების აღორძინება ადგილობრივი წედლეულის, მაღალ ხარისხიანი ხილისა და ბოსტნეულის ნაყენების გამოყენებით. როგორც კი კომპანიამ მიაღწია დასახულ მიზანს, შპს „ლაღი“ სტაბილურად გახდა ლიდერი გაზიანი გამაგრებული სასმელების წარმოებაში საქართველოში. დღესდღეობით კომპანია აწარმოებს დაახლოებით 10-12 სახეობის სხვადასხვა გამაგრებულ სასმელს (პირველ რიგში ლიმონათს). წარმოებაში კვლავ გამოიყენება ტრადიციული ქართული რეცეპტები ახალ რეცეპტებთან ერთად. 2003 წლიდან კომპანია ასევე ახორციელებს პროდუქციის ექსპორტს 11 ქვეყანაში სამ კონტინენტზე. 1,5 მილიონი ბოთლი სასმელის დასამზადებლად შპს „ლაღი“ მოიხმარდა 14,511 მ3 ბუნებრივ აირს, 47,153 კვტ.სთ ელექტროენერგიას და 3109 მ3 სასმელ წყალს. ენერგომოხმარების შემცირებისა და გარემოსდაცვითი და ტექნიკური მაჩვენებლების გაუმჯობესების მოტივით, კომპანია შეუერთდა EaP GREEN-ს 2015 წელს. ამ პუბლიკაციაში ნაჩვენებია კომპანიის გამოცდილება, რომელიც ასახულია 2020 წელს ჩატარებული მონიტორინგის ანგარიშში, პროგრამის დასრულებიდან ხუთი წლის შემდეგ.

სარგებელი

- რესნ-ის (ენერგოეფექტურობაზე ორიენტირებული) 4 ვარიანტის განხორციელება
- საჭირო ინვესტიციის უკუგების შესაბამისი პერიოდი
- წყლის მოხმარების შემცირება პროდუქციის ტონაზე: 9%
- თბური ენერგიის მოხმარების შემცირება პროდუქციის ტონაზე: 24%
- ენერგიის დაზოგვა, რამაც გამოიწვია CO₂-ეკვ შემცირება წლიურად 7.25 ტონით
- ბუნებრივი აირის წლიური მოხმარების შემცირება: 36,000 კუბური მეტრი

Action implemented by:



პროექტის მიდგომა

რესნ მონიტორინგის დროს განხორციელდა საწარმოო უბნის შემოწმება და რესნ-ის რამდენიმე ვარიანტის იდენტიფიცირება, რომელთაგან შემდეგი ოთხი იყო პრიორიტეტული და ეტაპობრივად განხორციელდა კომპანიის პერსონალის მიერ. ზოგიერთი შემთავაზებული რესნ რეკომენდაცია იყო დაბალხარჯიანი, თუმცა დანარჩენები მოითხოვდა მნიშვნელოვან ინვესტიციებს:

რესნ ვარიანტი 1. ძველი ქვაბის შეცვლა. ორთქლის ქვაბის ენერგოეფექტურობის გაზრდისა და ენერგიის მოხმარების შემცირების მიზნით, ძველი ქვაბი შეიცვალა ახლით, რამაც გამოიწვია ენერგოეფექტურობის 85-90 პროცენტამდე ზრდა.

რესნ ვარიანტი 2. ორთქლის მილსადენების თბოიზოლაცია. გამანაწილებელი სისტემიდან თბოდანაკარგების თავიდან აცილების მიზნით, ორთქლის მილები შეიფუთა თბოსაიზოლაციო მასალით.

რესნ ვარიანტი 3. კონდენსატის სადინარების თბოიზოლაცია. იმის გამო, რომ ორთქლის განაწილების ძველ სისტემას მუდმივად სჭირდებოდა სუფთა წყალი, ხოლო გამოყენებული ორთქლის წყალი იკარგებოდა კანალიზაციის სისტემაში, თბოდანაკარგების აღსაკვეთად და ქვაბის საექსპლუატაციო ვადის გახანგრძლივების მიზნით, დამონტაჟდა ორთქლის რეკუპერაციის სისტემა კონდენსატის თბოიზოლირებული სადინარებით. ეს, თავის მხრივ, საშუალებას აძლევს მოწყობილობას აირიდოს ორთქლის დანაკარგები და მოახდინოს გამოყენებული წყლის რეცირკულაცია.

რესნ ვარიანტი 4. ავზის დაყენება წყლის ხელახლა გამოყენებისთვის სიროფის გაგრილების პროცესში. სუფთა წყლის მოხმარებისა და ჩამდინარე წყლების შესამცირებლად დამონტაჟდა წყლის ავზი სუფთა წყლის შეგროვებისა და ხელახალი გამოყენების (ასევე ცირკულირების) მიზნით.

მიღწეული დაზოგვები

ძირითადი განხორციელებული ქმედებები

ვარიანტი 1: ძველი ქვაბის შეცვლა

ვარიანტი 2: ორთქლის მილსადენების თბოიზოლაცია

ვარიანტი 3: კონდენსატის სადინარების თბოიზოლაცია

ვარიანტი 4: ავზის დაყენება წყლის ხელახლა გამოყენებისთვის სიროფის გაგრილების პროცესში



ძირითადი ეკონომიკური მაჩვენებლები

	ინვესტიციები (ევრო)	დაზოგვა (ევრო/წელი)	უკუგების პერიოდი (წელი)
ვარიანტი 1:	8,500	770.5	11
ვარიანტი 2:	125	19.6	6.4
ვარიანტი 3:	250	154	1.6
ვარიანტი 4:	2000	717	2.8
სულ:	10,875	1,661.1	



დაზოგილი რესურსები

	წყალი (მ³/წელი)	საწვავი (ბუნებრივი აირი) (მ³/წელი)	CO ₂ -ექ. (ტ/წელი)	ჩამდინარე წყლები (მ³/წელი)
ვარიანტი 1:	-	29,300		
ვარიანტი 2:	-	740		
ვარიანტი 3:	-	5,860		
ვარიანტი 4:	500	-		
სულ:	500	35,900	სულ: 7.5	500



ემისიების ჯამური შემცირება

ინფორმაცია კომპანიის შესახებ

რესნ პროექტის ფარგლებში შპს „ლალი“ ორიენტირებული იყო ენერგოეფექტურობის ამაღლებაზე და ქარხნის რესურსების მოხმარების უკეთ მართვაზე. უახლოეს მომავალში კომპანია ასევე გეგმავს წარმოების ხარისხისა და სიმძლავრის გაზრდას და ინვესტირებას პერსონალის ინფორმირებულობის ამაღლების ღონისძიებებში (ენერგიისა და რესურსების გამოყენებისა და ნარჩენების მინიმიზაციის საკითხებში).

საწარმოო პროცესებისთვის საჭირო ორთქლის წარმოებისას კომპანიას ჰქონდა ენერგიის მაღალი მოხმარება. ამან ასევე გამოიწვია ჩამდინარე წყლების დიდი რაოდენობის წარმოქმნა. პარალელურად შპს „ლალის“ სიროფის დასამზადებლად სჭირდებოდა დიდი რაოდენობის ცივი წყალი. რესნ პროექტამდე ჩვენი ძირითადი პრობლემები დაკავშირებული იყო ენერგოეფექტურობისა და ჩამდინარე წყლების გადაამუშავების კუთხით. რესნ-ის გამოცდილებიდან მიღებული ძირითადი გაკვეთილები ეხებოდა ენერგოეფექტურობის მნიშვნელობას და ჩამდინარე წყლებისა და სხვა რესურსების ხელახალი გამოყენებას. შემდგომ ნაბიჯებად, გარდა საწარმოო სიმძლავრის გაზრდისა, ვგეგმავთ ქარხნის ადგილმდებარეობის შეცვლას ნატახტარზე, განაცხადა მთავარმა ტექნოლოგმა ბ-ნმა გიორგი გიორგაძემ.

RECP-ის დანერგვა იყო ევროკავშირის მიერ დაფინანსებული პროგრამების - **EaP GREEN** (2013-2017) და **EU4Environment Action** (2019-2022) ნაწილი, განხორციელებული UNIDO-ს მიერ. ამ კონტექსტში, შპს „ლალი“ შეუერთდა რესნ ტრენინგებისა და დახმარების პროგრამას EaP GREEN-ის ფარგლებში და მონიტორინგი განხორციელდა EU4Environment-ის ფარგლებში. შემდგომი ვიზიტები ასევე ჩატარდა EU4Environment-ის ფარგლებში, განხორციელებული რესნ ვარიანტების შესამოწმებლად EaP GREEN პროგრამის დასრულების შემდეგ. EU4Environment ეხმარება ევროკავშირის აღმოსავლეთ პარტნიორობის ქვეყნებს, შეინარჩუნონ ბუნებრივი კაპიტალი და გაზარდონ ადამიანების გარემოსდაცვითი კეთილდღეობა გარემოსთან დაკავშირებული ქმედებების მხარდაჭერით, უფრო მწვანე ზრდის შესაძლებლობების დემონსტრირებითა და გახსნით და გარემოსდაცვითი რისკებისა და ზემოქმედების უკეთ მართვის მექანიზმების დანერგვით. დამატებითი ინფორმაციისთვის ეწვიეთ ვებგვერდს: www.eu4environment.org

ეს პუბლიკაცია შექმნილია ევროკავშირის მხარდაჭერით. მის მიზანსწრე სრულად პასუხისმგებელია UNIDO და შესაძლოა, რომ იგი არ გამოხატავდეს ევროკავშირის მხედველობებს.



UNITED NATIONS
INDUSTRIAL DEVELOPMENT ORGANIZATION

გაეროს სამრეწველო განვითარების
ორგანიზაცია

ქ-ნი ტატიანა ჩერნიავესკაია

EU4Environment პროექტის მენეჯერი

ტელ: +43 1 26 0 26 5520

ელ-ფოსტა: t.chernyavskaya@unido.org



ენერგოეფექტურობის ცენტრი

0160, დ.გამრეკელის ქ. 19, VI სართული, ოფისი 611,

თბილისი, საქართველო

ტელ: +99 53 2224 25 42

ელ-ფოსტა: eecegeo@eecegeo.org

ვებგვერდი: www.recp.ge